Dissertatio inauguralis medica de metastasi lactis ... / publice defendet Joannes Christianus Williardts.

Contributors

Williardts, Johann Christian. Jaeger, Christian Friedrich, 1739-1808. Universität Tübingen.

Publication/Creation

Tubingae: Litteris Jo. Ad. Sigmundi, [1770]

Persistent URL

https://wellcomecollection.org/works/kk3hcy87

License and attribution

This work has been identified as being free of known restrictions under copyright law, including all related and neighbouring rights and is being made available under the Creative Commons, Public Domain Mark.

You can copy, modify, distribute and perform the work, even for commercial purposes, without asking permission.



Wellcome Collection 183 Euston Road London NW1 2BE UK T +44 (0)20 7611 8722 E library@wellcomecollection.org https://wellcomecollection.org DE

METASTASI LACTIS,

QVAM

RECTORE VNIVERSITATIS

EBERHARDINO-CAROLINAE

MAGNIFICENTISSIMO,

SERENISSIMO ATQUE POTENTISSIMO DOMINO,
DVCE WURTEMBERGIAE ET TECCIAE REGNANTE,
REL. REL.

CAROLO,

PRINCIPE AC DOMINO LONGE CLEMENTISSIMO,

PRAESIDE

CHRISTIANO FRIDERICO JAEGER,

PHILOS. ET MED. DOCT. EIVSDEMQVE PROF. P. O. FACULT. MEDIC. p. t. DECANO,

PRO GRADV DOCTORIS LEGITIME OBTINENDO,
D. DEC. MDCCLXX.

PVBLICE DEFENDET

JOANNES CHRISTIANVS WILLIARDTS,
ESSLINGENSIS.

TVBINGE, LITTERIS JO. AD. SIGMVNDI.

METASTASI BACTIS,

CENTERED MERCHINGENERS AND A TISSENSON MAN TO SERVICE WILLSELVO.

CATADIOLIS ENLOSTES ANT OFFICE

ATHABOSH ENTOUGH TESTOR NEW MEDINALITE.

THIMPLE OF HAME OF CHEMENTIESING.

PRAESIDE

CHRISTIANO FRIDERICO

THE DES. BY SELD. BOTH ELVEDENOVE PROF. C. O. PARVET. MEDIC. P. L. DECANO.

PRO GRADY DUCTORIS LEGITIME OBTINENDO,

PVELTOR OBTHUDET

GOANNES CHRISTIANVE WILLIARDTS,

TO BINGE, VITTERISTO, AB. EIGMVNDE.



§. I.

ac, blandissimus humor & tenello sœtui nutriendo à natura des stinatus, hinc inde tamen varios morbos producere observatur; quales cum & mihi sese obtulerint, rogatus morbos à lacte & dictos & oriundos non quidem ad unum omnes, sed eos potissimum, qui sub nomine Metastaseos lactis materni comprehendi possunt & solent, eo magis mecum exponere & dilucidare decrevi, cum animadverterem, hos eosdem morbos in usitatioribus Germanorum Medicorum libris minus obvios & pertractatos esse; quos contra Galli tantum non tanquam novos frequentius & prolixius nominent atque describant.

6. II.

FR. BOISSIER de SAUVAGES in Nosologia methodica 1763 edita, quam plurimas, sæpe non satis à se invicem distinctas, morborum species, sub variis classibus comprehensas, adducit, quas à lacte nominavit vel novis nominibus adhibitis a) vel addito quoque epitheto. Desumsit autem Sauvagesivs hanc morborum ita dictorum lacteorum historiam præcie pue ex Puzosio & ex Levreto. Primus scilicet Puzosius Dissertatio.

A 2 nem

a) v. g. Galactorrhœa. Oedema lacteum. Ephemera lactea. Synochus lactea, Amphimerina lactea. Mastodynia lactea &c.

nem de Metastasi lactea concinnavit, quæ Actis Chirurgicis Parisinis destinata post ejus mortem demum correctior & in tres partes divisa à Morisot Deslandes una cum ejus arte obstetricia edita suit b). Hinc Galli ad hunc eundem Puzos, qui studio in hos morbos inquisivit, primam morborum lacteorum historiam referunt c). Puzosii vestigia in observandis & describendis morbis à lacte deducendis pressit Levretus, qui suæ Arti obstetriciæ d) passim observationes & explicationes de his morbis inseruit. Celeberrimus Astrucius septem voluminibus e) morbos sexus sequioris expositos dedit atque in Tomo V. singulare quoque capitulum p. 450. Metastasi lacteæ destinavit. Neque nuper Cl. Quesnax in suo de Gangræna tractatu Metasta-

Pratique de cet Art; deux petits traités, l'un, sur quelques maladies de matrice, & l'autre, sur les maladies des ensans du premier age. Quatre memoires, dont le premier a pour objet les pertes de sang dans les femmes grosses, & les trois autres sur les depôts laiteux. Par Mr. Pv-zos. Corrigé & publié par Mr. Morisot Deslandes, à Paris, 1759.

c) vid. Fr. Boissier de Sauvages Nosol, method. T.II. P.I. p.469. & Mo-RISOT DESLANDES in Præfatione ad Pvzosii Traité des accouchemens

p. xiv & xv.

d) l'Art des Accouchemens, demontré par des principes de Physique & de Mechanique. Par Mr. André Levret. Vtor in sequentibus citationibus editione tertia. à Paris, 1766. Quamvis prima Levretti Editio jam A. 1753. prodierit; non ideo tamen inferendum, Levretvm Pvzosii libro, 1759 demum edito, nondum uti potuisse; nam Pvzosivs dudum ante de his morbis Academiæ Chirurgorum Parisinæ, cujus membrum quoque Levretvs est, Dissertationem exhibuit; quin A. 1753, quo Levreti liber prima vice imprimebatur, Pvzosivs jam mortuus est. vid. Eloge de Mr. Puzos in Histoire de l'Academie Royale de Chirurgie, T. III. p. 121. seq. 1757.

(2) Traité des maladies des femmes. Quatuor priores Tomi Parisiis An-

no 1761, tres posteriores A. 1765 typis excusi sunt.

gos lactis mentionem facere neglexit f). Cum Societas Scientiarum Harlemensis quæstionem, annis 1761 & 1762 solvendam, proponeret, qua ratione las feminarum augendum vel minuendum fit, quanamfint Symptomata à laste oriunda, & quomodo iis subveniendum sit? duo præcipue scripta prodierunt; alterum brevius, præmio coronatum & ab auctore David adornatum g); alterum prolixius à Cl. Lamberto Bikker, Medico Roterodamo h) conscriptum, in quo utroque libro non potuit non sermo de Metastasi lactis fieri. Hanc ipsam metastasin sat dignam quoque existimavir Illustrissimus v. Swieten, quam suis Commentariis inferret, hinc, cum Tomo IV. anno 1764 edito, de morbis puerperii ageret, usus est quam maxime Levreri observationibus, easque propria experientia partim confirmavit, partim cum aliorum observatis comparavit i).

Hi præcipui recentiores auctores k) sunt, qui de Metastasi lactea ab antiquioribus fere neglecta aliquid notatu dignum tradiderunt, cum A 3 apud

f) Traité de la Gangréne. à Paris, 1764. p. 72. feqq.

g) Dissertation sur cequ'il convient faire pour diminuer ou supprimer le lait des femmes &c. Ouvrage couronné par la Societé Hollandoise des Sciences. Par Mr. DAVID. à Paris, 1763.

h) Verhandeling van het zog der Vrouwen opgesteld door LAMBERTUS

BIKKER, Te Levden, 1763.

i) Comment. T. IV. ad 6. 1329. p. 603 fegq.

k) Celeberr. Tissorus non plenarie metastasin lactis tacet; sed pro instituti sui ratione tantummodo verbulo tangit. § 374 Anleitung für das Landvolk in Absicht auf seine Gesundheit. Cl. Profesiorem GATTEN-Hor in Dissertatione laudatissima de Curis infantum physico - medicis de metaltali lactea agere ex Cel. BALDINGERO difco. vid. Ausziige aus denen neuesten Differtationen. p. 124. seq. Sed neque hanc Differtationen, neque alias, que forsitan exstant, hactenus obtinere potui. Recentissi-AUS Grandally Edite Post, 6, 273.

apud alios vix aliud quid occurrat, quam hinc inde separata observatio lastis per alienas extraordinarias vias excreti; neque in Storchii k) octo Tomis præter unam alteramve observationem lastis ab ordinariis viis aberrantis, aliquid, huc spectans, deprehendi, cum tamen quis in tam vasto libro, mulierum morbis describendis destinato, hanc ipsam materiam magis dilucidatam exspectaret.

Attamen jam ante Puzosium video Th. Willisium in Tractatu de Febribus 1) egregia quædam, huc facientia, habere, ipsiusque Caput decimum sextum congruis observationibus dives esse; quin licet forsitan Hippocratis quoque locum huc trahere, ex quo ipsi non omnem lactis metastasin plenarie incognitam suisse colligere possis: "Mulieres, inquit, m) quibus per morbum vel aliam calamitatem mamma aufertur, & vox fera esseitur, humoresque ad gulam deseruntur, multa sputatione vexantur, caput dolent & ex iis agrotant; lac enim ab utero veniens & influens, quemadmodum etiam antea ad superiora vasa transmittebatur, cum ea propria non habeat, in principes corporis partes incidit; cor videlicet ac pulmonem, & suffocantur."

6. III.

Prælibatis hisce historicis quædam physiologica de secretione & excretione lactis non plane silentio præterire possum; uti enim rectum norma obliqui est, sic quoque de statu præternaturali non potest judicium sieri, nisi ante cognoscatur, quid secundum naturam siat.

Lac,

me quoque Ill. LvDWIG passim metastaseos lactez meminit, sed tantummodo in transitu, videturque hanc ipiam materiam pro nondum satis cognita vel exculta habere, vid. Advers. Medico-Practica Vol. 1. P. I. in prz. p. 12. P. IV. p. 585. p. 728.

k) von Krankheiten der Weiber.

1) Opera omnia T. I. Tract. de febribus. C. XVI. p. 124-137. Amst. 1682.
m) de Glandulis. Edit. Foes, p. 273.

Lac, consentientibus optimis Physiologis, ex chylo suam originem trahit, neque ab eo differt, nisi quod lac spissius sit, partes caseosas ubertim contineat & tardius acescat; quæ ipsæ qualitates chylo communicari videntur, dum cum sanguine per sex pluresve horas circuitum subit, atque ita actionem viscerum vasorumque experitur. Hic chylus vel successive sanguini assimilatur, vel secernitur & ipsum istumi liquorem, quem Lac vocamus, constituit.

J. IV.

Secernitur lac ordinario in feminis, iisque vel gravidis vel fœtum Scilicet feminæ humanæ, legitimum corporis incrementum quoad maximam partem nactæ, sanguis menstruus fluere solet, quo à superfluo sanguine per vasa uteri facile exitum inveniente liberatur n). Hic fluxus fanguineus contra intercipitur, vel faltim proxima menstruationis periodo redeunte parcior est, quotiescunque femina utero concepit; cujus phænomeni duplex ratio esse videtur. Primo enim vasa uteri tortuosa & serpentina sub graviditate, crescente uteri volumine, magis rectilinea fiunt, atque ita sanguini facilior transitus ex arteriis in venas conceditur; cum contra extra graviditatem uterus in multo minus volumen contractus vasa habeat magis serpentina, multas quasi plicas sive angulos formantia, quibus sanguini necessario mora injicitur, qui dein in his ipsis vasis accumulatus vasa minoris diametri, alias globulos rubros excludentia distendit, atque per ea, sub nomine menstruorum, prorumpit o). Altera primaria causa est, quod chorion, & quam maxime placenta, adhæreat, ita, ut vasa chorii & placentæ vasis uterinis implantentur, quo ipso nexu fœtui nutrimentum adfertur, in quod ista

¹⁾ Ill. de HALLER Primæ Lineæ. J. 840.

o) DAVID, l. c. p. 6.

maternorum humorum abundantia, ante graviditatem per menstruum fluxum excernenda, convertitur. Suadent autem variæ rationes, non tam ipsum sanguinem ex vasis uterinis ad fœtum mitti, quam potius lymphatico-lacteum humorem, à radiculis venæ umbilicalis resorbendum. Videtur enim lacteus humor tenello embryoni nutriendo magis conveniens esse p), & dein ROEDERERI q) & MONROI r) experimenta, quibus studio in conjunctionem uteri cum placenta inquisiverunt, docent, non ipsum sanguinem ad placentam, suniculum & sætum mitti, sed succum tenuiorem minoribus vasculis vehendum ad fœ-Quamvis equidem non omnem sanguini materno in tum deferri. ipsum fœtum transitum denegem, convictus maxime summi Anatomici Albini observationes), qui ex arteriis uteri serpentinis sanguinem in placentam adigere potuit; & dein pulcherrimo Ill. MECKELII præparato, qui materia colorata uterum gravidum per vasa matris hypogastrica mihi ita repletum Berolini oftendit, ut ex eo in placentam, cum utero connexam, venam umbilicalem, & ipsum quoque sœtum ruber inje-Etus liquor transiret. Quod autem lacteus humor per uteri lactea aut lymphatico-lactea vasa ad placentam perveniat, docent præcipue Nortwyckiit), Winslowiiu), Astrucii x) observationes. Poteri-

p) Facit huc Hippocratis Locus de Natur. pueri. Edit. Foes. citat. p. 246. "Quod in sanguine dulcissimum est, ad se attrahit, (puer in utero) simulque aliquantula lactis portione fruitur.,

q) Roederer de utero gravido p. 25. conf. Ejusd. Dist. de vi imaginatio-

nis in fetum negata. In Opusc. Med. p. 108.

r) Alexander Monro Versuch über die Ernährung der Leibesfrüchte in denen Edenb. Versuch. T. II. p. 170. p. 185.

s) Annotation. Acad. L. I. C. X. p. 35.

t) Uter. hum. grav. hist. p. 10.

u) Expos. anat. Traité du bas - ventre. Nro. 623.

x) Traité des maladies des femmes. T. I. p. 12. "On trouve sous la mé-

mus

mus itaque cum v. Swietenio y), cum Willisio z) aliisque a) lac uterinum assumere, quo fœtus nutritur & plethora feminarum sine sluxu menstruo imminuitur.

ob recover enter of one sig

Sed plerumque quoque lac in gravidarum mammis circa medium gestationis tempus vel citius vel tardius generatur, quamvis magis tenue & quasi serosum esse soleat. Videtur enim non omnis maternorum humorum abundantia pro nutriendo fœtu requiri; hinc pars materiæ lacteæ, præsertim in plethorica & bene pasta femina, ad mammas defertur, quæ singularem analogiam consensumque cum utero habere observantur. Sin vero fœtus utero exclusus est, jam insigniores muta-

tiones

me tunique interne de la matrice une autre sorte des vaisseaux, qu'on ne sçauroit distinguer que dans les derniers mois de la grossesse, non plus que les appendices veineuses, mais qu'on peut voir alors assés sifément & à l'oeil. On n'a qu'a retourner de dedans en-dehors la matrice d'une femme morte dans le dernier mois de sa grossesse, ou morte en accouchant, & après l'avoir légérement essuyée dans les endroits où le placenta ne tenoit pas, & où sa tunique interne est assès unie, l'exprimer doucement en comprimant par dessous, on en verra suinter une infinité de gouttes d'une liqueur laiteuse par des trous ou pores presque imperceptibles, qui doivent être autant d'aboutissans des vaisseaux particuliers destinés à séparer cette humeur.

9) Comment, T. IV. p. 60.

2) I. c. in initio Capitis XVI. WILLISIVS expresse lactis in utero generati mentionem facit.

a) Joh. Bohnii Circul. anat. physiol. progymn. II. p. 27. MERKLIN de Transful. fanguin. C. 5. p. 61. SIDOBRE in Actis Erudit. 1703. menfe Sept. p. 412. CHARLETON Occonom. animal. Exerc. I. J. 9. p. 12. Nec tacendus est Celeberrimus quondam in hac Universitate Professor Elias Camer arivs nobiscum confentiens in Med. Conciliatr. C. 4. p. 118. tiones contingunt. Uterus scilicet, cujus vasa sanguisera sub sinemgraviditatis majorem diametrum adepta & multo sanguine repleta suerant, post partum se sua plethora particulari lochiorum sluxu exonerat, atque sat cito in minus volumen contrahitur, hinc vasa, lacteam
materiam vehentia, simul constringuntur, neque ei amplius exitum concedunt. Regurgitat itaque lactis materia sœtui intra uterum latenti ante destinata in sanguinem, cum eo in corpore circumagitur b), plerumque non sine sebrili exinde oriundo motu, donec tandem in mammas, aptissimum & conveniens organum deponitur, intra singulares
ductus lactiferos recipitur atque per eorum ostia, in papilla sese aperientia, excernitur c).

J. VI.

Quamvis ex hactenus dictis appareat, dari & lac uterinum & mammarium, & utrumque morbos à lacte dicendos creare posse: attamen in sequentibus potissimum ad lac mammarium, nisi expressis verbis monuero, respicio, quippe quod quam maxime attentionem meretur. Hoc ipsum lac vario modo œconomiam animalem turbare, variisque morbis occasionem præbere potest, dum 1) ejus secretio vel 2) excretio impeditur. Potest idem porro peccare vel 3) quantitate, atque eatenus vel plenarie desicere, vel nimis parcum vel nimis abundans adesse, vel 4) vitiosa particularum cohœrentia d), hinc nimis spissum aut nimis tenue esse, vel 5) acrimonia, vel 6) nimis facili particularum secessione, ideoque coagulari sive (uti vocant) thrombosi vel caseationi adhuc

b) Hinc sanguini, durante sebri lactea misso, lac supernatare vidit BARTHO-LINVS. de Lacte thorac. p. 39.

(2) Gaub. Pathol. Instit. de morbis cohærentiæ in fluidis. §. 282, 286.

Berol. 1765. cui figura addita est tubulos lactiferos præcipue & vasa lymphatica pulchre exhibens.

adhucdum intra mammas obnoxium esse, vel denique 7) loci aber-

S. VII.

Non immorabor singulis hisce lactis vitiis e), longiore explicatione dilucidandis, sed, uti jam antea innui, soli ultimo nominato inhærebo, lac loco aberrans consideraturus. Habent scilicet humores corporis nostri suos sibi à natura constitutos canales, loculos, receptacula, cava, quibus tanquam cancellis contineri vehique debent, nec sine noxa egredi possunt f). Quando itaque lac è sanguine secedens, secretione & excretione naturali impedita, non suo, sed alieno, loco est; aberrat, & hunc ipsum morbosum statum Metastasin seu decubitum nuncupo g). Sic nomine metastaseos idem comprehendo, quod Illustr. Gavbius de siudis loco aberrantibus nervosa brevitate agens, errore impactorum, excretorum & effusorum indigitavit h), existimoque, me termino Metastaseos latiore sensu usum eo minus vituperandum esse, cum alii i) sub hac ipsa voce apostases, metaptoses, aposcemata, metabolas, palindromas complectantur, neque hos terminos nimis minutim à se invicem distinguant.

B 2

e) Hæc tamen vitia subinde in sequentibus nominabuntur, quatenus causa metastaseos lacteæ sunt.

f) GAVBIVS 1. c. §. 397.

g) Eodem vocabulo utuntur v. Swiften & Willisivs II. cc. Commentarii Lipf. Vol. XIV. p. 356. ASTRUCII librum recensentes, depôts de

lait, lait repandu, per metastasin reddunt.

h) l. c. S. 400. S. 401. S. 402. Cur errorem secretorum, quamvis lac ad secretos humores pertineat, non nominem ex Gaveii S. 405. per se patet; non enim est alia species erroris loci, sed est tantummodo alius respectus.

i) vid. Dissert. de febrilibus metastasibus Auct. Lohr. Præside Cel. Schroe-Der. Gætting. 1769. & Brendelli Dissert, de Abscessibus per materiam

& ad nervos. S. 2. & 14.

Quod nos metastasin lacteam vocamus, occurrit apud scriptores Gallos sub nominibus Dépôts laiteux, Lait repandu, Epanchement laiteux, Infiltration, Engorgement, Revolutions laiteuses. Germani hisce nomibus utumur: Geschwulst von einer Milch-Versezung k). Milch-Sammlungen l). Milch-Geschwulst m). Zuruktretten der Milch n). Krankheit von Milch-Versezung. Batavi lactis metastasin reddunt per Zogverplaatsing o).

6. VIII.

Lactis metastasibus solus sequior sexus ob munia ipsi injuncta priva obnoxius est, nec parum huc confert, quod seminæ sua natura sensibiliores irritabilioresque sint, arque suam plerumque habeant idiosyncrasiam, toties magis conspicuam in graviditate, puerperio, lactatione, ablactatione.

Ostendam primo gravidas seminas ab ipso hoc morbo non esse immunes, quod quidem vel exinde suspiceris, cum lacte & uterino & mammario gaudeant. (§, IV, & §, V.) Sed hoc idem distinctius per observationes demonstrandum erit. Puzos, qui sibi sere sumit, quod primus metastasin lactis in gravidis animadverterit, (aliis vel possibilitatem tempore graviditatis negantibus) in duabus gravidis, altera sum septimestrem, altera quadrimestrem gestante, ad superiorem semoris partem dolorem cum tumore observavit, quem à lacte loco aberrante in utraque hac semina deducendum esse cognovit; æque ac in

k) Illustr. Vogel Neue Med. Bibl. VI. B. p. 471.

1) In translatione germanica Steinwehrii Actorum Parisinorum, T. VII. p. 197.

Condinential (a) of the Da

o) BIKKER l. c. p. 171.

m) in Versione germanica Tissoti Anleitung für das Landvolk. § 374.
n) Uti metastasis lochiorum redditur per Zurüktretten der Reinigung.
Celeb. BALDINGER Auszüge. p. 156.

alia quadam, cui in regione hypochondriaca natus tumor dolebat p). Quin alio quoque loco q) mentionem facit gravidæ, quæ suscepto terrore ægrotare cœpit, paulo post peperir, & quarto à partu die mortua est, in cujus abdomine lac effusum coagulatumque repertum non dubitat metastasi sub terrore ortæ tribuere, quamvis quis omnino eandem metastasin post partum demum sactam esse contendere possit. Gravidis pariter Celeb. Sauvages, quamvis rarius, œdema lacteum r), pleuritidem lacteam, metritidem lacteam accidere asserit, neque dissentit LEVRETUS s) vel BIKKERUS t).

Frequentius edito in lucem fœtu feminæ metastasi lacteæ obnoxiæ funt, nec mirum, cum post partum lac multo copiosius generetur, arque tunc teste Ill. v. Swieten u) multo facilior ejusdem secessus à Sanguine fit. Metum auget ipsa ista febris lactea secundo, tertio quartove die post partum oriri solita. Quodsi enim lac cum sanguine circulans non per viam ordinariam, mammas scilicet, excernitur, facile accidere potest, ut lac vel alienis locis effluat, vel in vasculis minimis impactum hæreat vel in interstitia & cava aliarum partium effundatur, & sic sub ipsis istis febrilibus motibus metastasis, criseos ad instar, contingat, uti centies in aliis morbis febrilibus observamus. Intelligitur ex his ipsis, periculo metastaseos eas puerperas magis exponi, quas male sanus formositatis nimisque commodæ vitæ amor ad ubera recens nato deneganda incitat. Etenim, si tunc lac ex naturæ lege ad mammas delato different absorption absorption and B 3 , the of the second tum

p) l. c. p. 382. 383. 384.

q) l. c. p. 372. r) Nosologia methodica, T. III. P. II. p. 32. 460. 468.

s) l'Art des accouchemens J. 1050.

t) l. c. p. 179.

^{1.} c. p. 610,

tum per varia artificia reprimunt, facile vel intra ipsas mammas impa-Etum nocere, vel in sanguinem regurgitare atque ad alia loca morbose deponi potest, nisi bona fortuna alia ipsi ex corpore exeundi via pateat x). Hinc in oppidis populosis, ubi seminæ delicatulæ lactationem abhorrent & nihilominus laute viventes abundantia potius quam inopia lactis laborant, metastases lactis & ipsæ puerperarum mortes frequentiores sunt y). Sed est quoque, cur non in eistantum seminis, quæ lac studio repellunt, sed & in iis, quibus ex variis caussis lac desicit, vel nimis parcum est, de decubitu lactis solliciti simus 2). Existimo tamen eas, quibus nulla febris lactea obtingit, rarissime, si unquam, periclitari. Vidi certe puerperas, è quarum mammis vix unam alteramve lactis guttam obtinere licebat, egregie valentes; sed in iis tunc nec mammarum intumescentiam nec sebrem lacteam animadvertere poteram, & lochia copiosa sluebant. Sin vero sebris lactea adfuit, mammæque intumuerunt, eæ au-

x) v. Swieten I.c. p. 609. "Per varias vias lac in mammis collectum, retropulsum in sanguinem, exire de corpore notaverunt autores. Omnium naturalissima via credebatur, si per uteri vasa sub lochiorum forma prodiret. Per urinam exivisse observatum suit sæpius. Per alvum pariter, aliquando & per sudores.,

y) Levret 1.c. §. 1048. 1049. "On observe en général, qu'il meurt proportion gardée beau coup plus des semmes en couché dans les villes que dans les Campagnes. — Ces effets differens dependent essentiellement de ce, que les semmes n'allaitent point.

2) Pvzos. l. c. p. 385. Potest v. gr. lac vasa mammaria præterve hi, & nihilominus largius sanguini admixtum esse. Potest mammarum actio torpida esse. Possunt vasa lactis secretioni inservientia variis ex causis constricta, impervia esse. conf. v. Swieten T. VI. p. 645 & 646. Ill. Gavbivs §. 833. Patet sic, quomodo, desiciente quoque intra mammas lacte, lactis tamen metastasis possibilis sit. tem postea slaccescunt & lac desicit, tunc haud raro puerperis lactea metastasis metuenda instat, quæ ex Levreti a) observatione plerumque decimo quinto vel ex Pvzosii b) sententia decimo duodecimove die insessare solet.

6. X.

Sed & ipfæ istæ feminæ, quæ, quod natura tenero recens edito alumno paravit in mammis, nutrimento eum haud defraudant, non ideo ab omni lactis ad aliena loca decubitu tutæ funt. Jam fub initium prioris sphi innui generaliter, puerperas ad metastasin lactis dispositas esse. Præcavetur quidem eadem quodammodo, si per lactationem lac ad mammas determinatur & excernitur: verum pone majorem, quam quæ ab infante exsugitur, copiam lactis adesse; fac quosdam ductus tubulosve lacteos esse obstructos, partemque lactis ideo in sanguinem refluere; cogita alios morbos accedere, lac quomodocunque turbantes vitiantesque; & intelliges exinde, frequentiore quidem, sed tamen non omni omnino periculo lactantes puerperas carere. Post puerperium quoque lactantes, sive sint matres sive nutrices conductæ, metastasin lactis perpessæ esse observatæ sunt e). Quin nimis diu protracta lactatio ipsa topicam ad mammas lactis abundantiam producit, vires nutricis exhaurit, quæ nihilominus esuriens copiosos, non semper satis congruos, cibos appetit & chylum crudum generat; lac ipfum post aliquod a partu tempus successive magis spissum sit d), atque sic in ipsis nu: tricibus caulæ metastaseos habentur, quas tamen potius infra pluribus

a) 1. c. §. 922 — 925.

⁻ b) l. c. p. 345. .. umsgilleril et tog omogilov animo usil musev

c) Puzos. l. c. p. 347. feq.

d) ASTRVC. l. c. T. VI. p. 186. "Il est certain, que le lait devient naturellement plus épais à mesure que les nourrices s'eloignent du terme de leurs couches.,,

recensere mecum constitui. Denique ablactantes seminæ, vel ob prolis mortem lactare desinentes, non plane silentio prætereundæ sunt. Obtinet sere in iis eadem ratio, quæ apud puerperas lac per varia artisicia repellentes locum habet: hinc ablactantes sibi prospicere debent, ut humorum abundantiam, cessante jam lactis per mammas consueta excretione, per alias evacuationes vel per parcius assumtos cibos diminuant.

Certe in ablactantibus feminis vario post partum tempore haud adeo raro metastaseos lacteæ exempla dari, assirmat jure Levretus e), atque Perillustris & Venerandus de Haen nobis sat notabilem casum refert seminæ, cujus abundans lac duobus infantibus sussiebat, sed a mammis, duobus a primi infantis partu annis, retropulsum metastaticum tumorem in dorso elevavit. f).

S. XI.

Vix operæ pretium erit, ut longiore sermone subjecta metastasi lacteæ præ reliquis obnoxia ulterius prosequar. Possent v. g. heic ratione ætatis seminæ annosiores & juniores in censum venire; posset ratione temperamenti de iis dispici, quæ polyaimia vel anaimia, quæ sibra rigida vel debili, corporisve habitu nimis laxo vel nimis stricto laborant, quæ majore minoreve irritabilitatis gradu gaudent g); posset in dispositiones individuales, singulares, in varios status tam naturales quam morbosos inquiri, atque eatenus de feminis hystericis, nimis delicatulis, primiparis, præmature parientibus, difficulter parientibus, molas gestantibus, mammis carentibus, viraginibus &c. agi: verum hæc omnia vel sponte per se intelliguntur, vel certe ex sequen-

f) Rat. Med. T. VII. p. 134, fegg.

g) conf. Ill, HALLER, Prim. Lin. 6. CLI.

tibus mox adducendis facile elucescent; ne itaque repetitionibus vel nimia prolixitate Lectori tædium moveam, ad causas considerandas transeo, quæ feminas vel ad metastasin lacteam prædisponunt, vel ejus producendæ suppeditant occasionem.

XII.

Inter causas seminas ad metastasin lacteam prædisponentes primum se mihi offerunt mammarum vitia, tanquam organorum lactis secretioni & excretioni destinatorum. Si mammæ deficiunt, metastasin la-&is jam ab HIPPOCRATE observatam & annotatam esse, supra S. II.monui. Sed quoque mammæ nimis parvæ, ad pectus quasi nimis appressæ, a thoracibus istis artificialibus, a tenera juventute formositatis gratia applicatis compressa, per ætatem provectiorem constrictæ, nimia pinguedine obrutæ, h) violentia externa læsæ, inflammatæ, scirrhosæ, cancrosæ, exulceratæ, obstructæ, cicatricibus ex antecedentibus ulceribus vitiatæ, rigidæ, i) marcidæ, k) lactis secretionem & excretionem

h) Pulchra hæc eft Ill. v. Swietenii observatio, qui T.IV. p. 646. quandoque in feminis maximæ molis mammas, sed mera pinguedine obrutas vidit, ita, ut omnes ductus lactei, compressi ab adipe incumbente,

ne guttulam quidem lactis admittere potuerint.

3) Si v. g. ductus lactei nimis expansioni resistunt. Hinc putem ipsas primiparas, in quibus hi ductus nondum fatis ampliati esse possunt, a metastasi non esse immunes. (conf. Astruc. T. V. p. 431.) quamvis LE-VRETVS l. c. f. 1050. rarissime primiparas metastasi obnoxias esse dicat. Huc quoque Hippocratis locus facit: sunt, inquit, que natura las non habent, & quibus lac ante tempus deficit; ex vero natura solida funt. & densa carnis; ideoque cum via densa fit, non a ventre ad mammas satis humoris defertur.

A) Marcidæ, flaccidæ mammæ videntur nimis inertes, inactivæ effe ad lac per ductus lactiferos promovendum. Requiritur in vasis lactiferis irri-

tionem impediunt, atque eo ipso lactis metastasin adjuvare possunt. Præterea Medici in causam non excreti lastis inquirentis attentionem papillæ merentur, per quarum supremum ambitum tubulorum lacteorum orificia disponuntur. Possunt papillæ plerisque ante nominatis vitiis affici, præcipue autem ob subtilissimam superinductam cutem & ob friclionem, cui expositæ sunt, facillime excoriantur exulceranturque, atque ita ipsa ostiola coalescere possunt. Ipse numerus tubulorum lacteorum, qui variat, aliis auctoribus quinque, aliis viginti numerantibus l), nimis parvus esse potest, quam qui omni secreti lactis copiæ excernendæ fufficiat. In casta virgine, nondum marem experta, papilla quasi introrsum tracta delitescit; sed vitium est lactis excretionem vehementer impediens, nisi eadem, infante ad ubera admoto, promineat & erigatur, vi Physiologis adhucdum non explicata, (non tamen ideo neganda m) cum intus nullam cavernosam substantiam habeat, uti aliæ partes ere-Stione gaudentes. Hoc nimis retractæ & delitescentis papillæ vitium efficit, ut haud raro aquosa tantum lactis pars effluat, crassior remaneat, tubulorumque oftia obstruat, hinc lac continuo secretum & ad mammas advectum, portam effluendi apertam non inveniens, vel in fanguinem regurgitat, vel mammam inflat, & cum dolore expandit; quem ipíum statum, vel si ex quacunque alia ratione obstructi tubuli lacti exirum denegant, cum accedente mammarum dolore, tumore, rubore, Galli le Poil (mastodyniam pilarem reddit Sauvagesius n) vel Arcrous-

îrritabilitas quædam, qua sese contrahendo lac propellunt; hinc in bonis nutricibus cum vi quadam lac prosilire videmus. A marcidis mammis hæc irritabilitas abesse & eo ipso in iis lactis slagnatio essici videtur.

fel

¹⁾ Ill. HALLER. Elementa Physiol. T. VII. Lib. XXVIII. p. 9 & 10.

m) Uti negat KÖLPIN l. c. S. 12. p. 10.

²¹⁾ SAUVAGES Nosol. meth. T. III, P. I. p. 103. T. II. P. I. p. 223. LEV-

sel vocant, ex antiquo, satis ridiculo, præjudicio, quod pili orificia obstruant. Denique papilla nimis tenera nimisque sensibilis esse potest, quam quæ attactum suctionemve prolis ferre queat; id quod tamen, ne lac ad aliena loca ruat, requiritur o), atque ita, cum hæc mammarum vitia nonnunquam plane non, nonnunquam tardius superentur, patet, quod ad lactis metastasin disponant. .IIIX . Vigs acter for noque encheden-

Excipiant mammarum vitia ipsius lactis vitia, jam quidem §. VI. generatim indicata, sed nunc, quatenus huc faciunt, consideranda.

Lac, quo minus secernatur vel excernatur impeditum, facilealiorsum aberrat, augeturque periculum, quotiescunque nimis larga copia generatur; tunc enim lac nonnunquam vasa lactifera nimis expandit vel rumpit, atque sic cancellis suis non coërcitum in mammarum cellulosam telam effunditur, vel in ipsum sanguinem redit, serum sanguinis tenax reddit, motus febriles excitat & ad longe aliena loca morbose deponitur p). Nimis spissum lac ægre ductus lactiferos ingreditur & difficulculter per tubulorum orificia excernitur, hinc obstructioni obstructioque metastasi favet. Oppositum lactis vitium, tenuitas, non æque per se matri metastasin minari videtur, sed est ea haud raro non simplex, sed cum acrimonia juncta, quæ, ut ipsa varia in lacte q) esse potest, sic

C 2 quoque RET. l. c. 6. 955. Puzos. l. c. p. 231. Poële vocat, quod idem figni-

ficet, quod phlegmone.

o) Hinc vice versa papilla bene constituta, infans nimis debilis, mammam lacte expansam haud exsugere valens, ad metastafin occasionem præbere potest, atque ideo ad eam præcavendam, ut fortiores infantes vel quoque adulti homines pro mamma evacuanda admoveantur, non fine ratione nonnunquam Medici suadent.

p) Quod ipse lactis desectus à metassaseos metu non liberet, jam supra

§. IX. monui.

4) cont. Gaubivs de Vitiis chyli, §. 323. seqq. cui lac simillimum est.

quoque vario modo nocendi potentiam habet. Poterit v. g. lac acre mammas excoriare, tubulos lacteos erodere; poterit cum fanguine circulans pessimas sebres accendere, quæ raro per salutarem crisin, nonnunquam per metastasin solvuntur, nonnunquam jugulant, cum lac insignem corruptionis gradum recipiat r) & difficulter corrigatur s). Acida præcipue acrimonia lactis caseationem producit, atque, dum coagulatum lac vasa obstruit, causa decubitus lactei sit; neque excludenda est alcalina acrimonia, quippe quæ pariter lac in grumos cogit, slavo colore distinctos t).

6. XIV.

Variæ aliæ dantur conditiones, sub quibus in seminis lactis metastases contingunt. Juvar potiores afferre. Nova imprægnatio non
semper a lactante semina impune fertur; ruit enim tunc lac ad uterum,
desicit in mammis. Si jam hic assuus nimis subitaneus, nimis copiosus est, poterit lactis ex hac ipsa causa morbosus decubitus sieri. Sed
quoque morbi antecedentes gravidas, ex quacunque ratione assigentes,
post partum periculosiores evadere possunt, lactis generationem, qualitatem, excretionem turbando vitiandoque. Partus ipse dissicilior,
multis cum laboribus peractus, puerperam ita debilitare potest, ut lae
non sufficiente cum impulsu ad mammas mittatur, sed ad alium locum
v. gr. uterum, præcipue si jam sub partu læsus suerit, deponatur, ibique instammationes suppurationesque excitet. Quæ ulcere pulmonum v. g. laborant, ad earum pulmones u) lac æque deponi poterit,

s) Pvzos. l. c. p. 347. Le lait dégéneré ne connoit souvent ni remedes ni bornes.

t) BOERH. Elem. Chem. T. II. Lugd. Bat. 1722. p 302. 303.

r) Levret, 1. c. g. 886. Canes lac ex feminarum de metastasi periclitantium uberibus exsugentes perire observavit.

conf. v. g. Roedereri Dissertatio de temporum in graviditate & partu zesti-

ac per ulcera externa lac effluxisse observatores annotarunt. Lues venerea naturalem lactis qualitatem corrumpit, ipsasque mammas vario modo morbose afficit. Primarum viarum vitia cacochymiam x), & præcipue putridam saburram generare possunt, atque inde putridum alcalinum resorptum sebres putridas accendere & lac coagulare ex notatu dignis Boerhavii annotationibus ad mox allegatum Processum XCI. pater. Vermes, tot funestas in C. H. tragædias ludentes, in lactis quoque secretione & excretione anomalias procreare experientia docuit. Refert Cel. Elias Camerarius nostras y) exemplum feminæ à vermibus sæpius abortum passæ, unde jam, quantum vermes uterum, cum eoque mirè confentientes mammas turbare valeant, concludere possis. præcipue Cl. van den Bosch z) in nuper demum edito egregio libro consulendus est, qui non solum in nutricibus ob vermium præsentiam lactis defectum, & iis è corpore eliminatis abundantiam lactis redeuntem, sed quoque ipsas metastases lacteas vidit, ut ideo suis copiosis & curatis C 3

æstimatione & X. In opusculis medicis p. 41. "Nollemus in phthisica & dispositione & lue nutrientis humoris penuriam quandam, sed loci potius errorem culpare. Videas sanos homines viribusque valentes, quibus nutriens latex non minus paratur, quam ad quodlibet punsum sigitur; videas vicissim phthisicum, bene & pastum, & cibos digerentem, chyloque assuntem, qui tamen nutrimenti benesiciis privatur, dissipata gelatina per excernentia organa vel in ulcerosum nidum colletta.,

*) Ill. Ludwigii Adversaria medico practica. Vol. I. P. I. in Præfat. p. 11. "Puerperas, in quibus vitia diete cacochymiam alunt, a morbis futuris non liberavimus, sed decubitus lactis, novus morbus, non a solo lacte represso, sed ab aliis variis caussis oriundus, & multiplici modo meden-

tibus se offerens, hand exiguam difficultatem objicit.

y) In Dissertatione, Helminthologia intricata, Clericanis Andryanisque placitis illustrata. Tubing 1724. p. 6. & 7.

Historia constitutionis Epidemicæ Verminosæ, Lugd. Batav. An. 1769
p. 201 — 220.

curatis observationibus hæc duo huc spectantia porismata subjunge-

- 1) "Verminosa vitia, ob alvinas contentiones, facilimas ad caput metassaticas depositiones atque alia pessima symptomata in puerperis ad lactis secretionem & uterinas evacuationes impediendas & alvi sluorem inducendum valde metuenda sunt.
 - 2) Lastis in sanguinem repulsiones nullibi fere crebriores, quam in puerperis, mucoso-verminosa febre prehensis, contingunt."

S. XV.

Denique sic dictas res non naturales metastaseos lacteæ producendæ occasionem præbuisse Medici animadverterunt. Ingesta cruda, incongrua, digestionem pravam chylumque vitiosum efficiunt, unde necessario lac à sua naturali qualitate & mixtione S. XIII. recedere debet. Ipsaque nimia assumtorum ciborum quantitas, si quoque bene concoquantur, lædit nimiam lactis copiam generando, quæ, si forte non rite excernatur, metastaseos causa fit, toties ditiores gulosasque infestantis & contra rusticis seminis sobrie viventibus parcentis. Nocebit hoc respectu quantiras eo facilius, si assumta particulis multis bene nutrientibus atque ita galactopoiesi faventibus abundant. An itaque laudandi, an potius culpandi, qui puerperas carnium jusculis & gelatinis per totum diem replent? An tuenda, annon exfibilanda potius præjudicata sat ridicula opinio, quæ scopo lac diminuendi lac bibere jubet, atque lac lacte fugari tradit a)? Me non monente, intelligitur, alias excretiones auctas ad lactis metaltafin occasionem dare, secundum istam notissimam regulam: Una secretione vel excretione aucta altera imminuitur. Hinc

V. g.

a) Levret Essai l'abus des régles générales, & contre les préjugés, qui s'opposent aux progrès del'art des accouchemens, Art. X. p. 259. seq.

v. g. in puerperis suborta diarrhoea, ipsa quoque lactea observata, mamma nonnunquam subsidunt & lac sundere cessant. In nutricis mammis lac desicere Andry b) observavit, cum eadem lactescentem urinam redderet. Aberrat itaque lac in his & similibus casibus à suo à natura destinato loco, ruitque cum aliis humoribus ad alia loca. Retentæ excretiones, uti vario modo œconomiam animalem turbant & humorum crasin corrumpunt, quod etiam lac vitiare valeant, neminem putem dubitare. Præsertim heic lachiorum vel suppressus vel nimis parcus sluxus in censum venit. Etenim post partum lochiis non sluentitibus plethora puerperæ non minuitur, violentior febris accenditur, omnis humorum quantitas ad mammas propellitur, quæ, si ex quacunque causa secretionem & excretionem lactis non admittunt, frequentius sunesta mala sequuntur, inprimis, si nulla excretione vicaria v. g. sudoribus, aliâs quoque haud raro sebrem lacteam ordinariam solventibus, naturæ satissit.

Annotant plerique auctores, plures puerperas è tenellis, lautam otiosamque vitam degentibus, perire: sed contra pauperes, μιδαρνας, rusticas, laboribus adsuetas feliciora agere ε) puerperia. Erit itaque quoque nimia quies inter causas referenda, quæ seminas ad morbos disponunt atque eatenus occasionem metastaseos lacteæ præbere possunt. Sed quoque vicissim vigiliæ nimiæ, curæ, desatigationes, lactis secretionem & excretionem pervertunt d). Quod animi pathemata lac morbosum essiciant, ejus generationem impediant, generatumque dissipent, ostendit Gytermann e), habentque Acta Harlemensia f) exemplum

b) De la Generat, Desvers. 1701. p. 82 & 83.

c) WILLIS. l. c. p. 128.

d) van den Bosch. l. c. p. 217.

e) in Diff. de Mammis & Lacte. Præside Zellero, Tub. 1727. p. 25. 9. VIII.

f) Part. III. p. 31.

Putant

plum feminæ, cui, subito terrore perculsæ, lac in mammis coagulabatur ; atque refert Puzos I. c. pag. 372. observationem lactis post terrorem in cavitatem abdominis effusi. Aër frigidus, imprudenrer admissus, frequenter male mulcat lactantes feminas g), lac reprimendo vel quoque in mammis coagulando. Hinc Sydenhami aliorumque confilia haud inania sunt, ut puerperæ non nimis cito lectum relinquant, neque aëri liberiori se exponant. Dum autem aërem frigidum culpo, non ideo regimen nimis calidum vel laudo vel suadeo, mecum convictus, inde facile exanthemata miliaria, que Levretvs 1. c. p. 169. quoque lactea vocat, produci posse. Sed quoque aliæ aëris constitutiones puerperis nocere possunt. Huc refero istam epidemiam a Malouin Parifiiis Anno 1746 observatam, adeo puerperis infestam, ut in nosodochio Hôtel-Dieu ex viginti vix una evaderet. Puerperis hisce, quamvis facile enixis, lochia non fluebant, mammæ flaccidæ post tertium quartumve à partu die pendebant, atque in cadaverum abdomine lac & coagulatum & serosum deprehendebatur h)

§. XVI.

Ex hactenus dictis satis variæ metastaseos lacteæ causæ intelligentur. Nunc ipsas metastases & morbos speciales exinde oriundos propius considerabo. Si lac e sanguine non secernitur, vel e mammis denuo in sanguinem resluit, sebres provocantur, quæ variæ indolis esse

g) Levret l'art des accouchemens, p. 351. "Le froid est la cause la plus ordinaire des infiltrations laiteuses. Cet accident arrive rarement avant le douzième ou quinzième jour de la couche. Alors on est dans l'usage, de permettre aux semmes de mettre les pieds à terre.,

h) conf. Histoire des maladies epidemiques de 1746. observées à Paris, en même têms, que les differentes temperatures de l'air. Par Mr. MALLOUIN. In Memoir. de l'Acad. Année 1746. Edit. Amst. p. 234.

esse possunt, cum sic humorum per vasa sanguisera circulantium peccans abundantia adsit, cum lac cum sanguine mixtum & circumactum varia vitia contrahere, ipsumque sanguinem diversimode corrumpere queat. Verum has omnes sebrium puerperis lactantibusque contingentium complicationes heic enodare, non est mearum partium; sunt hæ sebres, variis nominibus a diversis auctoribus insignitæ, sæpe causa metastaseos. Matastasin ipsam autem tunc demum adesse dicimus, quando materia lactea e sanguine secessit, atque ad alia, quam lege naturæ præscripta, loca aberrat. Neque possum lac cum sanguine mixtum, & per vasa sanguisera circulans aberrationis accusare, quippe quod quoque secundum naturam sit; hinc hæ sebres, quamvis lactis culpa vel excitatæ, vel pejores redditæ, non sub supra s. VII. data metastaseos lacteæ definitione comprehenduntur, sed admittuntur tanquam haud infrequens causa, nonnunquam quoque tanquam effectus metastaseos lacteæ.

S. XVII.

Lac morbose ad varia loca desertur, atque, ut aliquem dicendorum ordinem habeam, incipiam a capite, progrediar ad collum, dorsum, pectus, abdomen, extremitates, & desinam in superficie cutis.

Lochiis retentis & sanguine encephalum obruente mala sunestissima instare, frequentius Auctores annotarunt. Sed similia quoque accidunt lacte repulso, vel in mammis plane non secreto, & ad cerebrum deposito. Ipsam mortem subitaneam exinde subsequi, resert David. i). Apoplexiam a metastasi lactea ad cerebrum sactam, & ipsis dissectionibus cadaverum consirmatam pulcre nobis Levretus l. c. Sect. III. §.874. seqq. describit. Invadit eadem puerperas tempore sebris lacteæ lo-

i) l. c. p. 70.

chiis parce fluentibus & lacte ad mammas non delato. Præcedunt plerumque animi perturbationes & anxietates, horripilationes in cute capillata, deliria, capitis dolores, balbuties, aurium tinnitus, coma, stertor, rifus fardonius, tendinum subsultus. Sed quoque nonnunquam talis apoplexia serius infestat, ipsis lochiis ritè profluentibus, quamvis pariter periculi plena sit, non tamen tam rapida violentia trucidat k). Apoplexiam lacteam nonnunquam excipit paralysis. Alias decubitus la-Etis in cerebro maniam, quam ideo Sauvagesius lacteam 1) vocat, producit. Aggreditur nempe secundum hunc eundem Auctorem & Puzosium m) feminas circa decimum vel decimum quintum à partu diem febris cum delirio; cessat postea sat cito febris, sed perseverat status maniacus, difficillime medicamentis superandus. Quando autem hi Auctores decimum vel decimum quintum diem nominant, non ideo existimandum, quod talis decubitus nunquam tardius accidere queat, Ipse Puzosius l. c. p. 300. tricesimo quoque die observavit, atque ipse, cum mihi adhucdum Nürtingæ commorato ex sat ampla praxi Optimi & Venerandi Patris frequentius notabiliores casus offerrentur, similem metastasin in lactante femina octava à partu hebdomade vidi, quæ, partu puerperioque rite absoluto, lignorum colligendorum gratia sylvam petiit, ibique usque ad vesperam commorata, absurda, anxia, delirans deprehensa fuit. Redux mammas ineptè infanti porrexit, quas ipsas tamen infans ab aliquot diebus minus avide arripuit. fine somno loquax & querula transegit & sequenti die, quo ipso mammæ curatius examinatæ pendulæ omnique lacte evacuatæ reperiebantur, furor maniacus per sex hebdomades perdurans accessit,

Alias

A) LEVRET. 6. 883.

¹⁾ Nofol. method. T. III. P. I. p. 405.

m) p. 388.

ASTRU-

Alias feminas, præsertim nutrices, quæ lac imprudenter repellunt, lacte ad caput congesto & intra cerebri membranas effuso, cephalalgiæ vix tolerandæ excruciant n), quæ nonnunquam per longius tempus sævientes surditatem cœcitatemque post se trahunt. Caliginem lacteam puerperæ, cujus lac repressum fuerat, à lactis in camera oculi antica collectione ex HAGUENOTI observatione recenset Sauvagesivs o), & Epiphoram à lacte ex oculis effluente inductam p). An Amavrofis quoque à metastasi lactis datur? Amavrosin gravidarum & suppressione menstruorum vel hæmorrhoidum laborantium annotat SAINT-YVES q), eandemque ab humore nervum opticum comprimen-Similem effectum posser quoque lac ad nervum opticum te derivat. depositum facile producere. Denique, ut prioribus observationibus hanc quoque sat notabilem à Nyckio recensitam addam', lac quoque ad os è mammis delatum fuit: "Femina, inquit Nuckius r), la-Etans gravida iterum fit & ideo puerum ablactat; exsuctricem negligenti mammarum dextra in insignem tumorem abit, & brevi post, nocte quadam, copiosum lac cum dolere in os profilire sentit, cum subitanea mamme dextre detumescentia, "

6, XVIII,

Ad glandulas axillares lac, quod intra mammas distentas per vasa lymphatica resorbetur, desertur; verum hæ ipsæ glandulæ a crassiore lacte obstruuntur, tumentque s), lacteo humore intra ipsarum cellulosam essus, similisque tumor nonnunquam, referente

n) Pvzos. p. 234.350.

o) Nofol. method. T. II. P. II. p. 259,

p) Nofol. T. III. P. II. p. 236.

q) Nouveau traité des maladies des Yeux. à Paris, 1722. p. 343.

r) Sialographia & ductuum aquoforum anatomia nova. p. 50.

s) conf. Hunter in comment medicis, ubi, vti ex Ill. Vogelii bibliothecanova medica. Vol. V. p. 193. colligo, talis observatio habetur.

ASTRUCIO t) usque ad collum quafi ædematofum inde factum cum dolore se expandit. In dorso ablactantis feminæ Illustr. de HAEN metastaticum tumorem vidisse supra S. X. annotavi. Ad pectus lacte aberrante Puzos & pleuritidem spuriam l. c. p. 373. & pleuroperipnevmonias I. c. p. 374 & 375 observavit, atque Levrerus, qui hos acutos pectoris morbos pariter vidit, eo minus dubitat eos lactis metastasi tribuere, cum (l. c. S. 893.) eodem tempore flaccidas & lactis expertes mammas deprehenderet, & contra, mammis lacte denuo turgescentibus, ægrotas cito sanitati restitui experiretur. Exterius in pectore utrinque mammæ protuberant non à metastasi vel decubitu lactis morboso immunes, quamvis secundum naturam lac ad eas deferatur, sed eo fine, ut libere per canales fluat & excernatur. Quotiescunque itaque lac vel ob nimiam copiam vel ob obstructos vel alio quocunque modo vitiatos canales, urgente à tergo insequentis undæ impulsu, exitum non inveniet, aberrabit in ipsis mammis & effundetur aut in cellulosam. totam mammam circumdantem, efficietque magnum universalem sat æquabilem tumorem; aut tantummodo in cellulosam singulis glandulosis racemis acinisque sese interserentem, atque producet separatos inæquabiles tumores nodosque; aut denique utrumque conjunctum vitium exinde exfurget. Hi decubitus lactei ad mammas fat noti haud raro varia deploranda mala inducunt, atque frequentius occurrunt ex diversis causis, quas supra nominavi; heic autem eorum differentiam potius à loco, in quem lac aberrat, quam à caussis desumtam, indica. re volui.

J. XIX.

Abdomen metastasis lactea vario modo infestat. In Actis Parisinis habetur exemplum hydropis u) lactei inter musculos abdominis & perito-

t) 1. c. T. V. p. 435. a sunosens mars learns axes

Memoir. de l'Academ. des Sciences, 1728. in 8vo. p. 585. hydropsie

peritoneum formati, quo puerperæ, primis diebus puerperii acute' febricitanti, abdomen post tres septimanas sere ad æque magnum volumen expansum suit, ac tempore graviditatis, donec tandem, sponte rupto umbilico, infignis quantitas fœtidi humoris seroso-lactei profundebatur. Scilicet in tela cellulosa peritonei, musculos abdominis respiciente, ex observatione Nuckii plurima adsunt vasa lymphatica; potuit itaque per hæc ad illam lac è mammis repulsum deferri, quod dein, mora & ipso febrili calore acre fœtensque redditum, fibras cellulosas corrosit, novoque semper affluxu humorum accedente sibi quasi spatium inter peritoneum & musculos atque denique per umbilicum exitum paravit. Plane similem a lacte extravasato ortum abdominis tumorem, qui, disrupto umbilico, ultra duas mensuras materiæ lacteæ fudit, Cl. BIK-KER x) refert; atque ipse honestam feminam nominare possem, cui in primo puerperio mamma apostematosa in suppurationem abiit, ut ideo non lactaret, arque postea sub nova graviditate lacteus humor ex umbilico effluxit, nullo intra mammas lacte generato. Intra cavum abdominis lac ad varia loca deponitur. In ipso cavo effusum & ad exteriorem intestinorum partem adhærens, erat in supra citata epidemia Parisina. Quod ad renes aberret, eo minus dubitandum, cum nrina lactea sæpius visa sit (conf. J. XV. & J. IX. not.), atque hinc quo-

2) l.c. p. 212. 213. "Een Vrow, door een mayëlyeke verlosing zeer verzwakt, was de twaalf eerste dagen ziekelyk, kwynende, en koortzig. Het zog kwam niet in haare Mammen te vorschyn; maar zy klaagde ower Zwelling van den Buik, die zoo aanmerkelyk werd, als of zyhoog zwanger waar. Omtrent vier Weeken na de verloosing begon de buik pynlyk te worden, en dit nam zo toe, dat zy goed vond den Heelmeesster te haalen. Hyplaatste op den zelven een weekmaakende en pynstillende Pap. Drie dagen daarna ontdekte hy in t'midden van den Buik onden den Navel een verstorven Korst. Deeze Korst brak van zelfs door, en daarop volgde een zeer groote ontlassing van Zogstosse, en ten deele vloeibaar, en ten deele met klonters of geronnen brokken.,

que Sauvagesivs y) nephralgiæ mentionem faciat ab urina crassa lactea oriundæ. Ad intestinorum cavum ruens lac diarrhœam lacteam inducit, cujus sat evidens exemplum cum mammarum detumescentia STOR. chivs describit 2). In gravido utero lac pro nutriendo fœtu adesse fupra adstruxi. Sed quoque ad virgineum uterum lac e mammis repulsum affluere, honestæ, non menstruatæ virginis historia a) ostendit, quæ cum mammis intumescentibus & lac fundentibus emplastrum de spermate Ceti imponerer, menstrua vere lactea perpessa est, atque sic fimul suo exemplo & HIPPOCRATICI effati veritatem: "Si mulier, que neque gravida est, neque peperit, lac habeat, huic menstrua defecerunt b). & lactis mammarii metastasin ad uterum demonstravit. In puerperis, quibus laxior & mollior est uterus, facilius lac ad uterum derivabitur, & revera Medici sunt, qui ipsa lochia albida pro lacteo humore, non pro materia purulenta habent c). In tela cellulosa, qua peritoneum vertebris & pelvi posterius adnectitur, lac frequenter effunditur. Nascuntur hinc a lacte aberrante tumores, qualem in regione renis Puzos p. 384. descripsit, vel quos Levrerus in cellulosa inter peritoneum & pelvem vel inter musculum psoam & iliacum vel inter duplicaturam ligamentorum latorum annotavit. S. 927. atque, cum feminæ per validos in partu nifus ligamenta, musculos & nervos ad spinam dorsi lumbarem, & conjunctas cum osse sacro coxas vehementer tendant, ex hac ipsa caussa existimat Ill. Lydwigius d) decubitus lacteos crebrius ad spinam lumbarem & inferiores extremitates, quam aliis in locis oriri.

y) Nofol, Method. T. III. P. I. p. 271.

²⁾ Weiber - Krankheiten. VI. Band. p. 608.

a) PAULINI Observ. Cent. I. Observ. VI. p. 39.

b) Aphorism. L. Sect. V.

c) Levrer 1. c. §. 88. Alteri sententiæ tamen magis savere videtur Ill. v. SWIETEN. T.IV. p. 609.

d) Adversaria Pract. Vol. I. P. IV. p. 728.

f. XX.

Tela cellulosa pelvis communicat cum tela cellulosa semoris atque maxime ibi, ubi vasa cruralia sunt, copiosa & laxa est; inde apparet, quomodo humor lacteus ad pelvim depositus ulterius progrediatur, & primo semur, dein semper magis magisque a parte superiore ad inferiorem descendendo totum pedem occupet, atque ita œdematosum tumorem ab œdemate lymphatico per suos characteres probe distinguendum excitet. Uti ad ipsam pelvem, ex collatis observationibus, frequentiores sunt lactei decubitus, sic quoque in semore haud raro se manisestant; rarissime tamen simul utrumque semur tali lacteo tumore instatur. Sed contra, tentata in uno semore discussione, sæpius ad alterum semur tumor metastaticus transfertur.

Decubitus lactei ad digitos pedum manuumque, quin quoque ad totam cellulosam, quæ sub cute exstat, hydropis ava σαρκα ad instar, Puzos p. 393. & 394. mentionem facit.

S. XXI.

An denique lac quoque ad superficiem cutis aberrat? Quod sudores verè lactei observati suerint, dubitat, Ill. v. Swieten l. c. p. 609. attamen frequentissime sebris lactea per sudores terminatur, ut ideo aliquam lactis partem per cutem excerni, existimare possis. Dein ipsa ista exanthemata miliaria in puerperis frequentissime observata quodammodo lacti, quippe quod in vascula minima cutanea delatum quidem, nimis tamen spissum esse possit, quam quod per eorum ostiola exhalet, tribuenda esse videntur. Hinc Sauvagesius l. c. T. II. P. I. p. 401. de febre miliari lactea, & Levretus l. c. p. 169. de exanthematibus lacteis agunt, quarum prima species, ex hujus sententia, se distinguir pustulis albis, non crystallinis, acicularum capita æquantibus, tempore sebris lacteæ cum pruritu prodeuntibus, & dein surfuracea quasi cutis desquamatione post octo decemve dies evanescentibus; altera species pustu-

pustulas habet majores ad similitudinem variolosarum accedentes, quæ diutius in cute subsistere, nullas tamen cicatrices post se relinquere, & minus periculosæ esse solent; tertia denique cognoscitur maculis vel papulis irregularibus paululum super cutem eminentibus, prurientibus, suppurantibus, confluentibus, sed cuti nullum vestigium imprimentibus.

S. XXII.

Hi fere morbi sunt, quos errori lactis adscriptos apud diversos auctores hactenus deprehendere potui; atque cum, eos ipsos variæ indolis & naturæ esse, ex præmiss sufficienter pateat, ii quoque vario modo dignoscuntur. Nonnunquam metastasis lactis ex ipso primo intuitu, dum lac alieno loco esse esse in diarrhæa lactea, in nephralgia ob urinam lacteam, in epiphora lactea, nonnunquam paululum difficilior diagnosis est. Si lac ad partes interiores, adspectui subtractas, ruit, novimus per symptomata consueta v. g. apoplexiam, maniam, cephalalgiam, peripnevmoniam, pleuritidem adesse, atque hos morbos a lactis metastasi suam trahere originem judicamus, quoties lac in mammis non secretum vel excretum est, vel ex iis pendulis & slaccidis sactis denuo in sanguinem regurgitavit, quin quoque tunc, quando

interdum docta plus valet arte malum,

lactis metastasis confirmata est per cadaverum sectiones, quales antea passim annotavi, & quibus adhuc atiquæ ex Josephi Lietavo opere e) addi possunt. Intra pelvem, dum deponitur lac, præcedunt motus sebriles, horripilationes, sentitur dolor, sed ex ejus regionis dolore

e) Historia anatomico-medica, sistens numerosissima cadaverum extispicia, quibus in apricum venit genuina morborum sedes, horumque referuntur causa, vel patent effectus. Auctore Josepho Lietaup. Parisis, 1767. T. I. L. I. Sect. XII. p. 318. & T. II. p. 362.

dolore solo, quippe qui in puerperis, in gravidis, in lactantibus vel ablactantibus ex multifariis causis ibidem excitari potest, non sufficienter facta metastasis cognoscitur; docemur autem a Levreto f), eam adesse, quando ægrota dolorem circa inguina, pondus in pelve & debilitatem semorum percipit; si in dorso decumbens majorem sentit molestiam semoribus extensis, quam slexis, quia tumor lacteus musculum iliacum & psoam premit; necnon si fasciculus vasorum cruralium doler, in quo tangentis manus haud raro parvos tumores offendit. Denique lacteus tumor in semore non solum exinde distinguitur, quod plerumque decubitus lactis in pelve antecedat & tumor à parte superiore versus inferiorem serpendo extendatur. Sed generaliter tumor é lacte in telam cellulosam sub cute essus ortus magis opacus est, dolet præcipue in initio & intra breve tempus formatus, prementique digito magis resistit, quam lymphaticus.

6. XXIII.

Prognosin de lactis metastasi faciendam causæ, subjecta, concomitantes supervenientes morbi vario modo alterant: intelligimus tamen facile, minus periculum instare, si in subjecto sano, vegeto, fluentibus lochiis, materia lactea per mammas non secernitur & excernitur, & vel nullam vel vix sensibilem sebrem excitat; sed contra, quando lactis in manimis defectus stipatur febribus vehementioribus, inflammatoriis, malignis, præsertim suppressis simul lochiis, tunc haud inanis metus nos angit, ne illud ad varia viscera ruat & ibi vel in minimis vasculis impactum, velin interstitia cellulosa effusum stagnet. Spes salutis erit eo minor, quo nobilior pars est, quam infestat; affulget contra aliqua spes, si lac denuo ad mammas redit vel alia critica excretio per alvum, urinas, fudores accedit; hinc quoque hoc respectu non omnis diarrhæa in puerperis pro perniciosa habenda est, uti dudum monuit Illustris de HEN g) de diarrhœa puerperarum, quibus lochia non fluunt. Verba ejus omnino quoque, mutatis pro materia substrata mutandis, huc quadrant: , In Batavis puerperis, inquit Venerandus Præceptor, observare aliquoties contigit diarrhæam pro lochiis; perniciosa hac in genere credita, tamen plures in vita servat, si vires bene conservantur. Est revulsio hac materia

f) l. c. §. 928. feq.

g) Theses pathologicæ de hamorrhoidibus, p 76.

ab utero inque intestina derivatio, bona respectu interitus alioquin ex suppressione oriundi; at vero ideo hanc puerperarum diarrhæam non laudamus, at salubrem evacuationem, sed consideramus ut minus malum, quo quidem mors sapius pracaveatur h), sed nonnunquam tamen acceleretur. Tempore puerperii lactis errores ob varias complicationes quam maxime perhorrescendi nos quam maxime sollicitos reddunt. Tempore graviditatis & post puerperium nocent, sed tamen non tam cita & inopinata morte jugulant, tunc enim non tot aliarum caussarum morbiscarum concursus adest; decubitusque ex observatione auctorum sepius in tela cellulosa fiunt, partes tantummodo externas v. g. semur occupando, quorum resolvendorum spes est; quamvis etiam in ulcera mali moris, in sistulas, in ipsam gangrænam abiisse & in mammis exitialis cancri producendi occasionem dedisse observati sint.

S. XXIV.

Cura medici circa metaltalin lasteam est vel prophylactica vel therapevtica. Ut medicus à metastasi lactis feminam præservet, debet eam, quid agendum, omittendum, evitandum sit i), docere; debet ipse caufas, quibus corpus ad metastasin prædisponitur, removere atque corrigere. Nominavi supra hasce diversas causas, neque hujus est loci, ur oftendam, quomodo fingulis occurrendum fit. Intelligitur hoc ex doctrinis, quæ in libris medicis & chirurgicis ubique occurrunt, & quas heic cognitas omnino suppono; erit scilicet abundantia v. g. lactis minuenda, diæta tenuissima, auctis aliis evacuationibus, Venæ sectione, suctione forti; spissitudo lactis erit per attenuantia, di-Inentia; tenuitas per incrassantia; acrimonia per medicamenta specificæ acrimoniæ oppofita, acida, alcalina, corrigenda. Erunt mammarum vitia mutanda, quantum per artem & tempus licet; hinc obstructiones tubulorum lacteorum reserandæ sunt, exulcerationes sanandæ, papilla retracta producenda &c. Sed nolo hisce immorari; id potius quæro, quid medicus jam imminenti seu fienti, quid jam factæ metastasi opponere debeat? Si lac non in mammis secernitur, sed cum

h) Planchon puerperam acute febricitantem lactea diarrhœa suborta adjuvari vidit in Journal de Medecine T.XXIV, cujus libri recensione in Comment. Lips. T. XVI. P. I. p. 78. utor.

i) conf. v. g. Johann Friderichs Zuckerts Diet der Schwangern und Sechs-

wöchnerinnen.

languine mixtum manet, tunc, nulla febre urgente, lochiorum fluxum prudenter promoveri sufficit; sin vero vasa nimia plethora turgent, febris lactaria diurius duret, gravior fiar, lochia supprimantur, tunc temperantia antiphlogistica exhibenda, Venæ sectio administranda, excretionesque aliæ per medicamenta laxantia, divretica, fudorifera, emmenagoga, quæ medicus pro ratione circumstantiarum & dispositionis individualis eligere sciet, promovendæ funt. Quando autem jam signa habentur, lac aberrans invadere partem quandam nobiliorem v. g. cerebrum, quod cognoscimus ex dolore capitis, ex delirio &c. (§. XVII.) tunc ter, quater, quin sexies intra breve tempus repetitis Venæ sectionibus aliquid boni nonnunquam Puzosius præstitit; propinato simul potu diluente, resolvente, in quo Arcanum duplicatum dissolvit, quod ipsum sal Galli præ reliquis mirum in modum in his casibus laudant. Videntur hæ Puzosii observationes docere, & tuto & necessario in puerperis quoque k) Venesectiones institui, atque existimo, in his ipsis casibus clysmata & vesicatoria bono cum effectu adhiberi posse, quibus ipsis interdum malum imminens à loco periculosissimo averteretur. Decubitus in partibus interioribus jam factus pariter requirit Venæ fectiones, & dein evacuationes frequentes, qua ipsa methodo Puzosius feminam ex decubiru lactis ad cerebrum maniacam factam post tres menses restituir. Si decubitus in parte externa v. g. femore, est, poterunt topica simul applicari, ad resolutionem tentandam; quem in finem III. v. Swieten fomenta ex lacte & fapone, Chomel I) ex infuso persicariæ & absinthii cum Sale ammoniaco facto, & Levrerus cataplasma ex mica panis, lacte, vitello ovi, croco, oleo liliorum alborum & Sale Tartari adhibuerunt; arque eodem modo mammarum a lacte effuso tumor per emplastra varia resolventia, vel quoque ope embrocationis cum aqua, in qua sal alcalinum dissolutum est, discutiendus est; id quod si ars non valer efficere, varia alia mala subsequi solent, de quibus in libris chirurgicis dispiciendum est. Lactatio, uti quam plurimas puerperas a metastasi lactea tutas præstar, sic quoque

k) Conf. Franz Jacob Arands Rettung der Kindbetterinnen, gegen die Vorurtheile von der Schadlichkeit der Aderlasse. S. 10.

¹⁾ Memoir. del'Acad. des Sciences. 1728. in 8vo. p. 597.

tune non negligenda, sed potius commendanda est, quando mammæ, vel lacte distentæ morbose turgent, vel quando flaccidæ lacte carent; reserat enim suctio obstructos tubulos excretionemque juvat; eademque lac, vel e sanguine non secretum, vel in eum refluens, ad mammas determinat, & abalienis locis, in quæ forsitan deponeretur, quasi revocat manifesto cum ægrotarum emolumento. Si exanthemata quoque miliaria ex lacte nonnunquam oriri assumimus, ea tractanda erunt, uti febris miliaris m). Monendum tamen, quod sæpius diutius in cute subfistant, fine ulla animadvertenda febre, sed tunc quoque nulla medicamenta requiruntur, sed caveat tantummodo puerpera, ne nimis calido regimine continuo sudores proliciat, alias vix liberabitur; vel quoque assumat roborantia, nimios sudores moderantia. Denique sat fingularis, & notatu digna observatio est Puzosii, quod nova imprægnatione in femina quadam cedema lacteum digitorum pedum manuumque, & in altera paralysis ex apoplexia lactea secuta, frustra antea variis medicamentis adhibitis, curata fuerint.

S. XXV.

Possem nunc metastasin lactis cum lochiorum suppressione velrepressione comparare, vel ad varias quæstiones, quæ se mihi hæc scribenti sponte obtulerunt, excurrere; v. g. an revera Galli primi ad lac
loco aberrans attenderint? an ideo alii medici, ante scripta Gallorum
in lucem edita, hanc lactis metastasin ignorantes, infelices Practici suerint? an adhuc infeliciores ægrotæ ipsorum curæ commissæ? an potius
alii medici hos morbos a lacte aberrante oriundos simul sciverint &
nesciverint? Verum hactenus prolata pro præsenti scopo ad hancce
materiam dilucidandam sufficiant.

m) Lacteis exanthematibus jam prostantibus, ægrotæ, præsertim quando cerebrum simul affectum esse ex deliriis cognoscitur, Venæ sectionem non ferunt, sed potius citius pereunt. Levret Essai sur l'abus &c. p. 218. 221.

